

T5236.05/4462

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
JAN 20 1940

47



文苑英華卷第一百十一

詩六十一

樂府二十

登名山篇一首

秦王卷衣一首

上留田二首

古挽歌七首

怨歌行五首

悲歌行五首

懷哉行一首

獨不見五首

定情篇一首

雜曲五首

憶昔行一首

偏天行一首

胡笳曲六首

雲中行一首

長干行一首

小長干行一首

江風行一首



文苑英華卷第二百十一

詩六十一

樂府二十

登名山篇一首

秦王卷衣二首

上留田二首

古挽歌七首

怨歌行五首

悲哉行五首

懷哉行一首

獨不見五首

定情篇一首

雜曲五首

憶昔行一首

偏又行一首

胡笳曲六首

雲中行一首

長干行一首

小長干行一首

江風行一首

哈佛大學哈佛藥京  
圖書館珍藏印

文苑英華卷第二百十一

亥



登名山篇

李巨仁

名山稱地鎮一作本鎮地千仞一作迢迢上凌霄雲開金闕迥一作雲披

金澗霧起石梁遙翠微橫鳥路珠澗入一作樹拂星橋風急青

溪晚霞散赤城朝寓目幽棲地一作客駕言一作尋追綺季避

世一作跡絕桃源士忘情漆園吏抽簪傲九辟脫屣輕千駟沉

冥負俗心蕭灑一作疎索凌雲意蒼蒼聳極天伏眺盡山川疊

峯如積浪分崖若斷一作斜煙淺深聞渡雨輕重聽飛泉採

藥逢三島尋真值一作遇九仙藏書凡幾代看博已經年逝

將追羽客千載一來旋

秦王卷衣

吳均

咸陽春草芳秦帝捲衣裳玉檢茱萸匣一作帶金泥蘇合香

物芳熏一作動複帳餘輝曜一作玉牀當須晏一作晏朝

一作須史持此贈華一作龍

同前

陳標

秦家漢闕霽春煙珠樹瓊枝近碧天御氣馨香蘇合啓簾  
光浮動水精懸霏微羅縠隨芳袖宛轉鮫綃逐寶筵從此  
咸陽一回首暮雲愁色已千年

上留田

梁簡文帝

正月土膏初欲發天馬照曜動農祥田家斗酒群相勞為  
歌長安金鳳凰

同前

李白

行至上留田孤墳何崢嶸積此萬古恨春草不復生悲風



四邊來勝斷白楊聲借問誰家地埋沒高里塋古老向奈  
言言是上留田逢科馬鬣今已平昔之弟死兄不塋他人  
於此舉銘旌一鳥死百鳥鳴一獸走百獸驚桓山山家之語  
禽別離苦欲去回翔不能征田氏倉卒骨肉分青天白日  
摧紫荆交讓之木本同形東枝顛顛西枝榮無心之物尚  
如此參商胡乃尋天兵孤竹延陵讓國楊名高風緬邈類  
波激清尺布之誼塞耳不能聽

古挽歌

祖孝徵

昔日一作詩驅駟馬謁帝長楊宮旌懸白雲外騎微紅塵中  
今來向漳浦素蓋轉悲風榮華與歌笑萬事盡成空

同前

王烈身茂情樂辭作趙微明

寒日高不一作蒿上明淒淒刺東路素車誰家子丹旌引將去  
原下荆棘叢叢邊有新墓人生病長一作間痛傷別此是長別  
處日暮一作曠野何蕭蕭風悲一作青松白楊樹

同前

孟雲卿

草草問一作門巷宣車儼塗成位冥寂一作冥冥何所須盡我生  
人意北邙路非遠此別終天地臨穴頻撫棺至哀反無淚  
爾形未衰老爾色猶一作昔纒童穉骨肉安一作不可離皇天若  
容易房帷即靈帳一作虛張庭宇為哀次薤露歌若斯人生盡  
如寄

同前

白居易

丹旌何飛揚素駟亦悲鳴晨光照閭巷轎車儼欲行蕭條



九月天晚出洛陽城一作哀挽借問送者誰妻子與弟兄

蒼蒼古原上一作挽我我開新塋含酸一悲一作哭異日

同哀聲舊壠轉蕪絕新塋日羅列春風秋草北却山此地

年年生死別

同前二首

于鵠

雙轍出郭門綿綿東西道送死多於生幾人得終老見此

切肝腸一作肺唯有一作不如歸山好不聞哀哭聲默默安懷抱

時盡從奄終一作物化又免生愛擣一作樓世間壽者稀盡為悲

傷早一作惱

二

送哭誰家車靈車紫帶長青童抱何物明月與香囊可惜

羅衣色看昇入水泉莫愁堦道暗燒漆得千年

三

陰風吹黃蒿挽歌渡秋水車馬却歸城孤墳明月一作月明裏

怨歌行

梁簡文帝

十五頗有餘日照杏梁初娥眉本多嫉掩鼻特成虺持此

傾城貌翻為不肖軀秋風吹海水寒霜依玉除月光臨戶

映荷花依浪舒望簷悲隻翼窺沼泣王餘名魚苔生履處沒

草合行人踈裂紕傷不盡歸骨恨難祛早知長信別不避

後園輿

同前

張正見

新豐妖冶地遊俠競嬌奢池臺間羅綺桃李雜煙霞蓋影



分連騎木香合並車艷粉驚飛蝶紅粧映落花舞衫飄冶  
袖歌扇掩團一作圓紗玉帳一作狀珠簾捲金樓鏡月斜還疑  
蕭史鳳不及季倫家

同前

虞世南

紫殿秋風冷雕甍落一作白日沉裁統悽斷曲織索引一作別

離心掖庭若一作羞改畫長門不惜金寵移思稍薄情疎恨

轉深香銷翠羽帳弦斷鳳凰琴鏡前紅粉歇陌上綠苔侵

誰言掩歌扇翻作白頭吟

同前

吳少微

城南有怨婦含愁傍芳一作倚蘭叢自謂二八時歌舞入漢宮

皇恩數流盼承幸玉堂中綠陌黃花催夜酒錦衣羅袖逐

春風建章西宮煥若神燕趙美女三千人君王馱德不忘

新况群艷冶紛來陳是特別君不再見三十三春長信殿

長信重門晝掩關清房曉帳幽且閑倚窓蟲網氛塵色文

軒鶯樹一作對桃李顏天王貴宮不貯老浩然掩淚一作淚隕今

來還自憐春色轉晚暮試逐佳遊芳草路小腰麗女奪人

奇金鞍少年曾不顧歸來誰爲夫請謝西家婦莫辭先醉

解羅襦

同前

曹鄴

丈夫好弓劍行坐說金吾喜聞有行役結束不待車官田

贈倡婦留妾侍舅姑舅姑皆已死庭花半是蕪中妹尋適

人生女亦嫁夫何曾寄消息他處却有書嚴風厲中野女



子心易孤貧賤又相負封侯意何如

悲哉行

孟雲卿

孤兒去慈親遠客喪主人莫吟苦辛曲此曲誰忍聞可聞  
不可說去去無期別行人念前程不待參辰沒朝亦恒苦  
饑暮亦恒苦饑飄飄萬餘里貧賤多是非少年莫遠遊遠  
遊多不歸

同前

王昌齡

每聽白頭吟人間易憂然若非滄浪子安得從所願北上  
太行山臨風閱吹萬長雲數千里倏忽還膚寸觀其微滅  
時精意莫能論百年不容易是處生草蔓始悟海上人辭  
君未飛遁

同前

陳陶

中嶽仇先生遺余餌松方服之一千日肢體生異香步履  
如風旋天涯一齋糧仍云爲地仙不得朝虛皇狡兔有三  
窟人生又何常悲哉二廉士餓死於首陽

懷哉行

薛勸

明時無廢人廣廈無棄材良工不我顧有因寧自媒懷策  
望君門歲晏空遲迴秦城多車馬日夕飛塵埃伐鼓千門  
啓鳴珂雙闕來我聞雲雨施天下罔不該何意斯人徒棄  
之如死灰主好臣必效時禁權必開俗流實驕矜得志輕  
草萊文王賴多士漢帝資羣才一言拜將相片善咸居台  
丈夫何不遇爲泣黃金臺



獨不見

劉孝威

夫婿結纓簪偏蒙漢寵深中人引卧内副車遊上林綬染  
瑯琊草蟬鑄武威金分家移甲第留妾住河陰獨寢鴛鴦  
被自理鳳凰琴誰憐雙玉筯流面復流襟

同前

柳惲

別島望風

一作雲

臺天顏

一作泉

臨水殿

芳草生未積

春花落

如霰出從張公子還過趙飛鸞奉箒長信宮誰知獨不見

同前

王訓

日晚宜春暮風軟上林朝對酒近初節開樓當夜嬌石橋  
通小澗竹路上青霄持底誰見許長愁成細腰

同前

戴叔倫

前宮路非遠舊苑春將遍玉戶看早梅雕梁數飛

一作歸

一作燕

身輕逐舞袖香暖傳歌扇自和秋風詞長侍昭陽殿誰信  
後庭人年年獨不見

同前

武元衡

荆門一柱觀楚國三休殿環珮儼

一作仰

神仙輝光生顧盼

春風細腰舞明月高堂宴夢澤水連雲渚宮花似霰俄驚  
白日晚始悟炎涼變別島異波潮

一作濤

離鴻分海縣南北

斷相聞嘆嗟獨不見

定情篇

喬知之

共君結新婚歲寒心未卜相與遊春園各隨性情

一作情

所逐

君愛菖蒲花妾感苦寒竹天

一作菖

花多艷姿寒竹有貞葉



此時妾比君君心不如妾簪玉步河堤天一作交韶接綠蕙

鳧鴈將子遊鶯鶯從雙棲君向念一作春光好妾對向一作春

光啼君時不得意棄妾還金閨結言本同心悲歡何未齊

怨咽前致辭願得申所悲人間丈夫易世路婦難為始如

經天月一作始經天月照終若流星馳天月恒終始流星無定期

長思一作佳麗人失意非蛾眉廬江小吏一作婦非關織

作遲本願長相對今以一作長相思復有宦遊子結綬從

梁陳燕居從三朝去來歷九春誓心妾終始蠶桑奉所親

歸願未克從黃金贈路人絮婦懷明義從沈河之津干今

千萬年誰當問水濱更憶倡家樓夫婿事封侯去時思照

灼去罷心悠悠不矜一作妾歲晏十載隴西頭以茲常傷

陽百慮恒盈積由來共結禱幾人同匪石故歲雕梁燕一作雙

去歸一作來隻今日玉庭梅朝紅暮成碧碧榮始芬敷黃

葉已浙瀝何用念春芳春芳有流易何用重歡娛歡娛俄

戚戚家本巫山陽歸去路何長叙言情未盡采菘已盈筐

桑榆日反景物色盈高岡下有碧流水上有丹桂芳一作香

桂花一作枝不須折碧水自清一作碧且潔贈君比芳菲愛一作

受惠常不歇一作滅贈君比一作潺湲相思無斷絕妾有秦

家鏡寶匣裝珠璣鑑來年二八不記易陰暉妾無光寂寂

妾至鄙一作委照影依依今日特為贈相識莫相違

雜曲二首

王筠

為還夜已逼蠱飛曉尚賒桂月徒留影蘭燈一作空結花



可憐洛城東芳樹搖春風丹霞映白日細雨帶輕虹

同前

傳緯

新人新寵住蘭堂翠帳金屏瑇瑁牀叢星不如珠簾色度  
月還同粉壁光從來著名推趙子復有丹唇發皓齒一嬌  
一態本難逢如畫如花定相似樓臺宛轉曲皆通絃管透  
迤徹下風此殿笑語恒長共傍省歡娛不復同訝許人情  
太厚簿分恩賦念能斟酌多作綉被為雙鴛鴛鴦一作鴛鴦長弄綺  
琴贈別鶴人今投寵要須堅會使歲寒恒度前共取星辰  
作心抱無轉無移千萬年

同前

徐陵

傾城得意已無儔洞房連閣未消一作閣未消愁宮中本造

鴛殿為誰新起

一作為起新粧

鳳凰樓綠黛紅顏兩相發千嬌互

態情無歌舞杉回袖勝春風歌扇當窓似秋月碧玉宮妓  
自翩妍絳樹新聲最可憐張星舊在天河上從來張姓本  
連天二八年時不憂度傍邊得寵誰相妬立春曆日自當  
新正月春幡底舊故流蘇錦帳桂香囊織成羅幔隱燈光  
祇應私將琥珀枕暝暝來上珊瑚床

同前

江惣

行行春筵蘼蕪綠織素那復解琴心乍愜南階悲綠草誰  
堪東陌怨黃金紅顏素月俱三五夫婿何在今追虜關山  
隴月春雪深一作誰見人啼花照戶



憶昔行

杜甫

憶昔北尋小有洞，洪河怒濤過輕舸。辛勤不見華蓋君，良  
岑青輝慘么麼。千崖無人萬壑靜，三步回頭五步坐。秋山  
眼冷魂未歸，仙賞心違淚交墮。弟子誰依白茅室，盧老獨  
啓青銅鎖。巾拂香餘搗藥塵，階除灰死燒丹火。玄圃滄洲  
莽空闊，金節羽衣飄婀娜。落日初霞閃餘映，倏忽東西無  
不可。松風礪水聲合時，青兕黃熊啼向我。徒然咨嗟撫遺  
迹，至今夢想仍猶佐。秘訣隱文湏內教，晚歲何功使願果。  
更討衡陽董鍊師，南浮早鼓瀟湘拖。

偈仄行

贈畢四耀

前人

偈仄何偈仄，我居巷南子巷北。可恨鄰里問十日，不一見

顏色。自從官馬送還官，行路難行澁如棘。我貧無乘非  
足昔者相過今不得，實不是愛微軀又非關足無力。徒步  
翻愁官長怒，此心炯炯君應識。曉來急雨春風顛，睡美不  
聞鍾鼓傳東家。蹇驢許借我泥滑，不敢騎朝天。已令請急  
會通籍，男兒信一作性命絕可憐。馬能終日心拳拳，憶君誦  
詩神凜然。辛夷始花亦已落，况我與子非壯年。街頭酒價  
常苦貴，方外酒徒稀。醉眠速宜相就飲，一斗恰有三百青  
銅錢。

此詩三百五十卷重出，今已削去。

胡笳曲二首

江洪

藏器欲邀

一作逢

時年來不相讓，紅顏征戍兒。白首邊城將



二  
落日慘無光臨河獨飲馬颺颺夕風高聯翩飛鴈下

同前

陶弘景

負宸飛天歷與奪徒紛紜百年四五代終是甲辰君

同前

鄭愔

漢將留邊朔遙遙歲序深誰堪牧馬思正是胡笳吟曲斷  
關山月聲悲雨雪陰傳書問蘇武陵也獨何心

同前

王昌齡

城南虜已合一夜幾重圍自有金笳引能露出塞衣聽臨  
關月苦清入海風微三奏高樓曉胡人掩淚歸

同前

王貞白

隴底悲笳引隴頭鳴北風一輪霜月落萬里塞天空戍卒  
淚應盡胡兒笑未終爭教班定遠不念玉關中

雲中行

薛童

雲中小兒吹金管向晚因風一川滿塞北雲高心已悲城  
南木落腸堪斷憶昔魏家都此方涼風觀前朝百王千門  
曉映山川色雙闕遙連日月光舉杯稱壽永相保日夕歌  
鍾徹清昊將軍汗馬百戰場天子射獸五原草寂寞金輿  
去不歸陵上黃沙塵路飛河邊不語傷流水川上含情歎  
落暉此時獨立無所見日暮寒風吹客衣

長干行

李白

妾髮初覆額折花門前劇郎騎竹馬來遶床弄青梅同居



長千里兩小無嫌猜十四爲君婦羞顏未會開低頭向暗  
壁千喚不一回十五始展眉願同塵與灰常存抱柱信豈  
一作上望夫臺十六君遠行瞿塘灘瀨堆五月不可觸猿  
聲天上哀門前遲一作行跡一一生綠苔苔深不能掃葉  
落秋風早八月蝴蝶來一作雙飛西園草感此傷妾心坐  
愁紅顏老早晚下三巴預將書報家相迎不道遠直至長  
風沙

小長干行

前人類詩作  
張潮

憶昔深閨裏煙塵不曾識嫁與長干人沙頭候風色五月  
南風興思君下江一作陵八月秋一作風起看一作君發  
揚子去時一作悲如何見少別離多湘潭幾人一作到

妾常一作越一作風波昨夜狂風度吹折江頭樹森森暗無邊  
行人在何處好乘浮雲驟佳期蘭渚東鴛鴦綠蒲上翡翠  
錦屏中自憐十五餘顏色桃花紅那作商人婦愁水復愁  
風

江風行一作長江行

張潮

婿貧如珠玉婿富如埃塵貧時不忘舊富貴多寵新妾本  
富家女與君爲偶匹惠好一何深中門不曾出妾有綉衣  
裳葳蕤金縷光念君貧與賤易此從遠方三千路役思發  
竟一作悔不已日暮情更來空望去時水孟夏麥始秀江  
上多南風商賈歸欲盡君今尚巴東巴東有巫山窈窕神  
女顏常恐遊此方一作果然不知還



文苑英華卷第二十一

文苑英華卷二百十二

詩六十二

音樂一

樂八首

琴二十九首

箏十首

笙四首

琵琶三首

篳篥一首

簫一首

笛十四首

雜樂六首

樂

觀樂應詔

梁王暕

趙瑟含清音秦箏凝逸響參差陳九夏依遲紛四上從風  
繞金梁含雲映珠網遞奏豈二八繁弦非一兩幸叨東郭



吹厠陪南風賞忘味信鏗鏘冷和終俯仰輕塵已飛散遊  
魚亦翻蕩恩光實難遇詠言寧易放

奉勅於太常寺脩正古樂

隋何妥 見初學記

大樂遺鍾鼓至樂貴忘情俗久淳和變年深禮教生嶰谷  
調孤管崙山學鳳鳴浮雲成武曲白雪作歌名聞詩六義  
辨觀漏八風平肅穆皇威暢淪連河水清鈞天動絲竹駘  
地響罇鉦盡美兼韶濩威德摠咸英寥亮鳧鍾徹飄揚翟  
羽輕小臣屬千載時幸預簪纓行欣負蒼壁衢壇聽九成

樂部曹觀樂

前人

東海餘風大陶唐遺思深何如觀徧舞奏鼓間縱金清管  
調絲竹朱絃韻雅琴八行陳樹羽六德審知音至道兼韶

漢元庭摠赫任高天度流火落日廣城陰百神諧景福萬  
國仰君臨大樂非鍾鼓且用戒民心

奉和月夜聽軍樂應詔

薛道衡

旌門臨古堞微道渡深隍月冷凝秋夜山寒落夏霜遙空  
澄暮色清景散餘光笳清喧隴水鼓曲噪漁陽沉鬱興神  
思眺聽發天章蒿岱終難學丘陵徒自強

觀太常奏新樂

孔德紹

大君膺寶曆出豫表功成鈞天金石響洞庭弦管清八音  
動繁會九變叶希聲雲和留睿賞薰風悅聖情盛烈光韶  
濩易俗邁咸英竊吹良無取率舞抃輕生

同前

卞斌 一作孫萬壽



昔人夢上一作帝尚喜預鈞天况茲一作開景業作

樂武功宣大雅一作廢還理乘風毀更懸中和誠易擬韶

夏詎相沿犍為一作磬響徹嶰谷管聲傳小臣濫清耳長

奏南風絃

此詩二百四十卷重出今已削去注異同為一作

於太常寺聽陳國蔡于元所教一作正聲樂

許善心

維陽盛禮樂治定昔君臨充庭觀樹羽上一作帝仰樅金

既因鍾石變將隨河海沉湛露廢還序承一作風絕復尋

袞章無舊迹韶夏有餘音澤竭英莖散人遺憂思深悲來

未減瑟淚下正聞琴詎似文侯睡聊同微子吟鍾奏殊南

地商聲異古今獨有延陵聽應知亡國音

三層閣上置音聲

唐太宗見初學記

綺筵移暮景紫閣引霄烟隔棟歌塵合分階舞影連聲流

三處管響亂一作札一重絃不似秦樓上吹簫空學仙

琴

秋夜詠琴

劉孝綽見集本

上宮秋露結上客夜琴鳴幽蘭暫罷曲積雪更傳聲

同前

初學紀作詠琴

劉漑

寄語調絃者客子心易驚離泣已將墜無勞別鶴聲

日晚彈琴

馬元熙見初學記

上客殿前屏鳴琴對晚暉掩抑歌張女淒清奏楚妃稍視



紅塵落漸覺白雲飛新聲獨見賞莫恨知音稀

賦得為我彈清琴

沈炯

為我彈清琴琴鳴傷我襟半死無人覺入竈始知音空為  
貞女引誰達楚妃吟類聚作心雍門何假說落淚自淫淫

聽琴

蕭愨

洞門涼氣蒲開館夕陰生絃隨流水急調雜秋風清掩抑  
朝飛弄淒斷夜啼聲至人齊物我持此一作悅高情時與

賦得詠琴

江惣

可憐嶧陽木雕為綠綺琴田文垂睫淚卓女弄絃心戲鶴  
聞應舞遊魚聽不沉楚妃幸勿嘆此異丘中吟

賦得坐彈鳴琴

楊希道

北林鵲夜飛南軒日斜進調絃發清徵蕩心祛褊悵變條

離鴻聲還入思歸一作相思引長嘆未終極秋風飄素鬢

味琴

前人見初學記

久擅龍門質孤竦嶧陽名齊娥初奏弄趙女正調聲嘉客  
勿遽反繁絃曲未成

同前

劉允濟

昔在龍門側誰想鳳鳴時雕琢今為噐宮商不自持巴人  
緩踈節楚客弄繁絲欲作高張引翻成下調悲

夏彈琴

劉希夷文粹作劉戡

碧天本岑寂素絲何清幽彈為風入松崖谷颯已一作秋  
庭鶴舞白雪淵魚躍洪流余欲娛世人明月難暗投感歎



未終曲淚下不可收嗚呼鍾子期零落歸山荒一作丘死而  
若有知魂兮從我遊

琴

隱一作士竹林隈英聲一作寶匣開風前綠綺弄月下白

雲來一作風前中散淮海多為寶一作淮海曾為寶武

岷舊作臺子期如何聽山水響餘哀

寶琴

唐釋彪

吾有一寶琴價重雙南金刻作龍鳳像彈為山水音星從

徽裏發風來絃上吟鍾期不可遇誰辨曲中心

江上琴興此詩已見一百六十二卷常建

張山人彈琴

前人

潛士芳草綠西峯留王琴豈惟丘中賞兼得清煩襟朝從

山口還出嶺聞幽音了然雲霞意照見天地心玄鶴下澄

空翩翩舞松林改絃和一作扣商聲又聽飛龍吟稍覺此身

妄漸知仙事深其將鍊金鼎未矣投吾簪

琴

王昌齡

孤桐秘虛鳴朴素傳幽真髣髴絃指外遂見初古人意遠

風雪苦時來江上一作山春高宴未終曲誰能辨經綸

聽琴彈風入松贈楊補闕

前人

商風入我琴夜竹深有露絃悲與林寂清景不可度寥落

幽居心颺颺青松樹松風吹草白谿水寒日暮聲意去復

還九辨待一顧空山多雨雪獨立君始悟



秋夕聽羅山人彈三峽流泉

岑參

皤皤岷山老抱琴鬢蒼然衫袖拂玉徽為彈三峽泉此曲  
彈未半高堂如空山石林何颼颼忽在窓戶間纖指弄鳴  
咽清絲激潺湲演漾怨楚雲虛徐韻秋煙疑蕪陽臺雨似  
雜巫山徭幽引鬼神聽靜令耳目便楚客腸欲斷湘妃淚  
斑斑誰裁清桐枝亘以朱絲絃能含古人曲迺與今人傳  
知音難再逢惜君方老年曲終月已落惆悵東齋眠

同張參軍喜李尚書寄新琴

司空曙

新琴傳鳳凰晴景稱高張白玉連徽淨朱絃集作擊瓜長  
輕埃隨拂拭雜集作新籟蒲鏗鏘暗想山泉合如親蘭蕙芳  
正聲銷鄭衛古狀掩笙簧遠識賢人意清風願激揚

冬夜陪丘侍御先輩聽崔校書彈琴

楊三源

雪浦中庭月映林謝家幽賞在瑤珉楚妃波浪天南遠蔡  
女煙沙漠北深顧盼何曾因誤曲殷勤終是感知音若將  
雅調開詩興未祗丘遲一片心

宿藏公院聽齊孝若彈琴

前人

禪思何妨在玉琴真僧不見聽時音離聲怨調秋堂夕雲  
向蒼梧湘水深

夜集汝州郡齋聽陸僧辨彈琴

孟郊

康樂寵詞客清宵意無窮徵文北山集作窓外惜月南樓中  
千里寂然靜集作愁併盡一樽歡暫同胡為憂楚瑟浙瀝起寒

風



聽琴

前人

颯颯微雨收翻翻橡集作葉鳴月沉亂岑西寥落三四星

前溪忽調琴隔林寒琤琤聞彈正弄聲不敢枕上聽迴燭

整頭簪漱泉立中庭定步屐齒深久彈月集作貌冥冥微

風吹衣襟亦集作認宮徵聲學道三十年未免憂死生聞

彈一夜中會盡天地情

好彈集作琴

白居易

本性愛集作絲桐塵機聞即空一聲來耳裏萬事離心中

清暢堪銷疾恬和好養蒙尤宜聽三樂安慰白頭翁

夜調琴憶崔少卿

前人

今夜調琴忽有情欲彈惆悵憶崔卿何人解愛中徽上秋

想頭邊八九聲

聽琴集作清夜

前人

月出烏棲盡寂然坐空林是時心景閑可以彈素琴清冷

由木性恬淡隨人心心積和平氣木應正始音響餘群動

息曲罷秋夜深正聲感元化天地清沉沉

廢琴

前人

絲桐合為琴中有太古聲古聲淡無味不稱今人情玉徽

光彩滅朱絃塵土生廢棄來已久遺音尚冷冷不辭為君

彈縱彈人不聽何物使之然羌笛與秦箏

聽段處士彈琴

方干

幾年調弄七條絲元化工夫集作十指知泉迸清集作音



雜石底松含細韻在霜枝窓中集作顧兔初圓夜竹上寒  
蟬盡散時唯有此時集作心更淨集作聲聲堪集作作後  
人師

聽琴

張喬

清明轉琴一作軫弄中湖一作水寒能令坐來客不語自

相看靜一作恐鬼神出急疑風雨殘幾時歸嶺嶠更過洞

庭彈

同前一作蜀琴

羅隱

寒雨蕭蕭落井梧夜深何處怨啼鳥不知一盞臨邛酒救  
得相如渴疾無

箏

和彈箏人二首

梁孝元帝

橫箏在故帷忽憶上絃時舊柱離移處銀帶手輕一作持  
悔道啼將別教成今日悲

二

瓊柱動金絲秦聲發趙曲流徵含陽春美手過如玉

詠彈箏人

梁昭明太子

故箏猶可惜應度新人邊塵多澁移柱風燥脆調絃還作  
三州曲誰念九重泉

詠箏

沈約

秦箏吐絕調玉柱揚清曲絃依高張斷聲隨妙指續徒聞  
音繞梁寧知顏如玉



同前

王臺卿

依歌時轉韻按曲動花鈿促調移輕柱亂手度繁絃唯有  
高秋月秦聲獨可憐

玄圃宴各味一物得箏

陸瓊

三五併時年二八共來前今逢泗濱樹定減琴中絃鶴別

霜初緊鳥一作啼月正懸

聽箏

張九齡

端居正無緒那復發秦箏纖指傳新意繁絃起怨情悠揚  
思欲絕掩抑態還生豈是聲能感人心自不平

箏柱子

朱灣

散木今何幸集作作良工不棄捐力微慙一柱材薄仰集作命

辭絃且喜聲相應寧辭跡屢遷知音如見賞雅調為君傳

箏

白居易

雲髻飄蕭綠花顏旖旎紅雙眸剪秋水十指剝春葱楚艷  
為門闥秦聲是女功甲鳴銀玦璫柱觸玉玲瓏猿苦啼嫌  
月鶯嬌語泥風移愁來手底送恨入絃中趙瑟情集作清相  
似胡琴調集作開不同慢彈迴斷鴈急奏轉飛蓬霜珮鏘還  
委冰泉咽復通珠聯千拍碎刀截一聲終倚麗精神定矜  
能意態融歇時情不斷休去思無窮燈下清歌集作青春夜罇  
前白首翁且聽應得在老耳未多聾

贈彈箏人

溫庭筠

天寶年中事玉皇曾將新曲教寧王鈿蟬金鳳集作細皆



零落一曲伊州淚萬行

笙

笙

陸罕

管清羅袖拂響合絳脣吹合情應節轉逸態逐聲移所羨  
周王子弄羽一參差

同前

沈約

彼美實孤枝孤篠定參差鷓鴣已嘲啞棗下復林離本期

王子晉初學記作宴寧待洛濱吹

同前

楊希道

短長插鳳翼洪細摹鸞音能令楚妃歎復使荆王吟切切  
孤竹管來應雲和琴

嵩嶽開笙

劉希夷

月出嵩山東月明山益空山人愛清景散髮卧秋風風止  
夜河清獨夜草蠶鳴仙人不可見乘月近吹笙絳脣吸靈  
氣玉指調真聲真聲是何曲三山鸞鶴情昔余落塵俗願  
言聞此曲今我集作來卧嵩岑何幸承幽音神仙樂吾事笙  
歌銘夙心

琵琶

琵琶

唐太宗

半月無雙影金花有回時推藏千里態掩抑幾重悲促節  
營紅袖清音滿翠帷駛彈風響急緩曲釧聲遲空遺關隴  
恨因此代相思



聽鄰人琵琶

陳叔達

本自龍門桐因妍入漢宮香由一作綠羅袖裏聲逐朱絃中

雖初學記作離有相思韻翻將入塞同關山臨却月花藥散迴

風為將金谷引添今曲未終

鄂渚聽杜別駕彈胡琴

劉長卿

文姬留此曲千載一知音不解胡兒語空愁楚客心聲隨

邊草動意入隴雲深何事長江上蕭蕭出塞吟

箜篌

箜篌

梁簡文帝

揆遲初挑吹弄急持摧類聚作時推舞釧響逐絃鳴衫迴半郭

柱欲知心不平君看黛眉聚

簫

簫

劉孝綽一作儀

危聲合歌鼓類聚作鼓吹絕弄混笙篳管饒和氣促釵動覺唇

移仙史安為貴能令秦女隨

笛

賦長笛吐氣清

周宏讓

商聲傳後出龍吟鬱前吐情斷山陽舍氣咽一作吐平陽塢

胡騎爭北歸偏知引一作別鄉苦羈旅情易傷零淚如交雨

同前

賀徹

胡關氛霧侵羗笛吐清音韻切山陽曲聲悲隴上吟柳折

城邊樹梅舒嶺外林方知出塞虜不憚武溪深



詠笛

姚察

作曲是佳人制名由巧匠鵠絃時莫並鳳管還相向隨歌  
響更發逐舞聲彌亮宛轉度雲窓逶迤出黼帳長隨畫堂  
裏承恩無所讓

同前

劉孝孫

涼秋夜笛鳴流風韻九成調高時慷慨曲變或淒清征客  
懷離緒隣人思舊情幸以知音故千載有奇聲

同前

李嶠

羌笛馮龍

一作餘

聲長吟入夜清關山孤月下來向隴頭鳴

逐吹梅花落含春柳色驚行觀何子賦坐憶舊鄰情

清溪半夜聞笛

李白

羌笛梅花引吳溪隴水清寒山秋浦月腸斷玉關情

與史郎中飲聽黃鶴樓吹笛

前人

一爲仙客去長沙西望長安不見家黃鶴樓中吹玉笛江  
城五月落梅花

觀胡人吹笛

前人

胡人吹玉笛一半是秦聲十月吳山曉梅花落敬亭愁聞  
出塞曲淚滿逐臣纓却望長安道空懷戀主情

江中聞笛

王昌齡

橫笛怨江月扁舟何處尋聲長楚山外曲繞胡關深相去  
萬餘里遙傳此夜心寥寥浦嶼寒響盡唯幽林不知誰家  
子復奏邯鄲音水客皆擁棹空霜遂盈襟疲馬頰北走遷



人悲越吟何當邊草白旌節龍城陰

塞上聽吹笛

高適

雪淨胡天牧馬還月明羌笛戍樓間  
借問梅花何處落風吹一夜滿關山

一作胡人羌笛戍樓間樓上蕭條明月間

聞笛

李益

回樂峯前沙似雪受降城外月如霜  
不知何處吹蘆管一夜征人盡望鄉

寄岷笛與宇文舍人

杜牧

調高銀字聲還側物比柯亭韻更校  
奇寄與玉人天上去相將軍見不教吹

寄澧州張舍人

前人

髮勻肉好生春嶺截王鑕星寄使君檀的染  
月落梅飄處響穿雲樓中威鳳傾冠聽沙上驚鴻掠水分  
橫想紫泥封詔罷夜深遙隔禁城聞

夜上受降城

一無此五字

聞笛

李益

一作戍

入夜思歸思切笛聲清更哀愁人不願聽  
自到枕前來風起寒雲斷夜深關月開  
平明獨惆悵落庭梅

庭梅

雜樂

詠鍾

李嶠

既接南鄰磬還同一作隨北里笙  
平陵通曙響長樂徹單題詩作  
驚宵聲秋至含霜動春歸應律鳴  
豈惟恒待扣金簾有餘



清

夜聞簫篋

杜甫

夜聞簫篋滄江上  
衰年側耳情所向  
鄰舟一聽多感傷  
塞曲三更歛悲壯  
積雪飛霜此夜寒  
孤燈急管復風湍  
君知天地干戈滿  
不見江湖行路難

窟磊子人

梁鍾

刻木牽絲作老翁  
雞皮鶴髮與真同  
須臾弄罷寂無事  
還似人生一世中

樓中閣清管

韋應物

山陽遺韻在林端  
橫吹驚響迴憑高  
閣曲怨繞秋城浙  
瀝危葉振蕭瑟  
涼風生始遇絲  
一作管賞已懷故園情

誅拍板

朱灣

赴節心長在從繩  
道可集作可觀湏知片木用  
莫向集作向散材看  
空為歌偏苦仍愁和  
即難既能親掌握  
頤得接同歡

聽杜山人彈胡笳

戎昱

綠琴胡笳誰妙彈  
山人杜陵名庭蘭  
杜君少與人友支  
山人沒來今已久  
當時海內求知音  
囑付胡笳入君手  
杜陵攻琴四十年  
琴聲在音不在絃  
座中為我奏此曲  
蒲堂蕭颯如窮邊  
第一第二拍淚盡  
蛾眉沒蕃客更聞  
出塞入塞聲穹廬  
氊帳難為情胡天  
雨雪四時下五月  
不曾芳草生湏叟  
促軫變宮徵一聲  
悲兮一聲喜南看  
漢月雙眼明却顧  
胡兒寸心死迴鶻  
數年收洛陽洛陽  
士女皆驅將豈無  
父



文苑英華卷一百一十二  
母與兄弟聞此哀情皆斷腸社陵先生證此道沈家祝家  
皆絕倒如今世上雅風衰若箇深知此聲好世上愛筆不  
愛琴則明此調難知音今朝促軫為君奏不向俗流傳此  
心

文苑英華卷一百一十二

文苑英華卷第二百十三

詩六十五

音樂二附歌舞

歌二十二首

舞七首

歌妓四十三首

歌

歌

李嶠

漢帝臨汾水周仙去洛濱郢中吟白雪梁上繞飛塵響發  
行雲駐聲隨一作嬌子夜新願君聽扣角當自識賢臣

口號踏歌詞

張說

花萼樓前雨露新長安城裏太平人龍銜火樹千重集作燈

焰鷄踏集作蓮花萬壽萬歲春



聽楊氏歌

杜甫

佳人絕代歌獨立發皓齒滿堂慘不樂響下清虛一作雲裏  
江城帶素月况乃清夜起老夫悲暮年壯士淚如水玉盃  
久寂寞金管迷宮徵勿云聽者疲愚智心盡死古來傑出  
士豈待一知己吾聞西秦音集作音傾側天下耳  
夜上西城聽梁州二首  
李益

二

鴻鴈新從北地來聞聲一半却飛回金河戍客集作卒勝應  
斷更在秋風百尺臺

聽赤白桃李花

前人

赤白桃李花先皇在時曲欲向西宮唱西宮宮樹綠

聽樂悵然自述

韓滉

萬事傷心對管絃一身含淚向春煙黃金用盡教歌舞  
與他人樂少年

與歌者何戡

劉禹錫

二十餘年別帝京重聞天樂不勝情舊人唯有何戡在更  
與殷勤唱渭城

聽舊宮中樂人穆氏唱歌

前人

魯隨織女渡天河記得雲間第一歌休唱貞元供奉曲如  
今一作當特朝士已無多



與歌者米嘉榮

前人

唱得梁州意外聲舊人難數米嘉榮近來時世輕先輩好  
染髭鬚事後生

與歌童田順郎

前人

天上龍歌御史娘花前月底奉君王九重深處無人見分  
付新聲與順郎

夜聞歌者

鄂州

白居易

夜泊鸚鵡洲秋江月

一作江月秋

澄澈鄰船有歌者發調堪愁

絕歌罷繼以泣泣聲通復咽尋聲見其人  
有婦顏如雪獨倚帆檣立娉婷  
十七八夜淚似真珠雙雙墮  
明月借問誰家婦歌泣何悽切  
一問一沾巾

集作襟

低眉竟

集作終

不說

臨臥聽法曲雷九裳

前人

金磬王笙調已久空

集作牙

牀角枕睡常遲蒙籠閑夢初成

後宛轉柔聲入破時樂可理心應不謬  
酒能陶性定

集作信

聽歌

前人

管妙絃清歌入雲老人合眼醉醺醺  
誠知不及當年聽猶覺聞時勝不聞

王將軍宅夜聽歌

于武陵

朱檻滿

一作輔

明月美人歌落梅忽驚塵起處疑有鳳飛來

一曲聽初徹幾年愁暫開東南正雲雨不得見陽臺

聞歌

李商隱



歛笑凝眸意欲歌高雲不動碧差我銅臺罷望歸何處王  
華忘還事幾多青塚路邊南鴈盡細腰宮裏北人過此聲  
腸斷非今日香地燈光奈爾何

醉間聞甘州

薛逢

老聽笙歌亦解愁醉中因遣合甘州行追赤嶺千山外坐  
想黃河一曲流日暮豈堪征婦怨路傍能結旅人愁左綿  
刺史心先死淚滿朱絃催白頭

贈歌者

薛能

一字新聲一顆珠轉喉疑是擊珊瑚聽時坐部音中有唱  
後瓔花葉裏無漢浦篴聞虛解珮臨邛焉用枉當鑪誰人  
得向清樓宿便是仙即不是虛

席上贈歌者

鄭谷

花木集作月樓臺近久衢清歌一曲倒金壺座中亦有一作是

江南客莫向清風集作清風又作樽前唱鷓鴣

歌二首

司空圖

處處亭臺只壞墻軍營人學內人粧太平故事因君唱馬  
上曾聽隔教坊

二

經亂年年厭別離歌聲無似太平時詞臣更有中興頌磨  
取蓮峯便作碑

同前

王貞白

誰唱關西曲寂寞一作寥寥夜景深一聲長在耳萬恨重經心



調古清風起曲終涼月沉却應筵上客未必是知音  
舞

舞

梁簡文帝

戚里多妖麗重娉茂一作夢燕餘逐節工新舞嬌態似陵虛  
納花承禡概垂翠逐璫舒扇開衫影亂巾度履行踈徒勞  
交甫憶自有專城居

同前

可憐二八物初學記作二八初逐節似飛鴻懸勝河陽妓  
聞與淮南同入行看復進轉面望鬟空腕動昭華玉衫隨  
如意風上客何須起啼鳥曲未終

同前應令

劉遵

偏女多嬌色入選盡華年舉腕嫌衫重迴腰覺態妍情  
陽春吹影逐相思絃履度開裙袂一作禡鬟轉匝花鈿所愁  
餘曲罷為欲在君前

同前

王訓

新粧本絕世妙舞亦如仙傾腰逐韻管歛色聽張絃袖輕  
風易入釵重步難前笑態千金動衣香十里傳持此雙類  
聚將飛鷺定當誰可憐

同前

楊暉

紅顏自燕趙妙妓邁陽阿就行齊逐唱赴節闇相和折腰  
送餘曲歛袖待新歌嚔容生翠羽慢類聚睇出橫波雖稱  
趙飛燕比此詎成多



同前

徐陵

十五屬平陽因來入建章主家能教舞城中巧畫粧低鬟  
向綺席舉袖拂花黃燭送空邊影衫傳鈴公合集裏香當  
筵好番客故作舞衣長集作裳

同前

庾信

洞房花燭明燕餘雙舞輕頓履隨踈節低鬟逐上聲伴類  
作轉行初進衫飄曲未成鸞迴鏡欲滿鶴顧市應傾已曾  
天上學詎見類聚地中生

歌妓

夕出通波閣下觀妓

梁孝元帝

娥月漸成光燕姬戲小堂胡舞間齊閣類聚作湖鈴盤出  
舞開春閣

步廊起龍調節鼓却鳳點笙簧樹交臨舞席荷生夾妓航  
竹密無分影花踈有異香提初學記一盃時笑語歡茲樂未  
央

和林下詠妓應令

同前

日斜下北閣高宴出南榮歌清隨澗響舞影向池生輕花  
亂粉色風篠雜絃聲獨念陽臺下願待落川笙

同前

梁昭明太子

炎光向夕歛徒宴臨前池泉將影相得花與面相宜篴聲  
如鳥呀舞袖寫風枝歡樂不知醉千秋長若斯

武陵殿下看妓

劉孝綽

燕姬奏妙舞鄭女發清歌迴羞出慢臉送態表頰娥寧殊



遇行雨詎減見凌波想君愁日落

集作落日

應羨魯陽戈

冬夜對妓

蕭放

見初學記

佳麗盡時年合暝不能眠銀龍銜燭畏金鳳起爐煙吹簾  
先弄曲調箏更撮絃歌還團扇後舞出妓行前絕代終難  
及誰復數神仙

夜出妓

沈君攸

簾間月色度燭定岐成行迴身釧玉動頓履佩珠鳴低衫  
拂髮影舉扇起歌聲匣中曲猶奏掌上體應輕

和趙王看妓二首

庾信

綠珠歌扇薄飛燕舞衫長琴曲隨流水簫聲逐鳳凰細縷  
纏鍾格類聚作細圓花釘鼓床懸知曲不誤無事畏周郎

二

浣沙

疑作沙

長思浣沙石定憶擣衣砧臨叩若有便

一作使

為說解琴心

奉和趙王美人春日

前人

直將劉碧玉來過陰麗華祗言滿屋裏併作一園花新藤  
亂上格春水漫吹沙步槎釵梁動紅綸帔角斜今年逐春  
處先向石崇家

侯司空宅詠妓

陰鏗

佳人遍綺席妙曲動鷗絃樓似陽臺上池如洛浦邊鴛啼  
歌扇後花落舞衫前翠柳將斜日偏是類聚作俱照晚粧鮮

同前

劉刪

石家金谷妓粧罷出蘭閨看花只欲笑聞琴不勝啼山邊



歌落日池上舞前溪將人當桃李何處不成蹊

酬蕭待中春園聽妓

李元操

微雨散芳菲中園照落暉紅樹搖歌扇綠珠佩

初學記 舞

衣繁絃調對酒維引動思歸愁人當此夕羞見落花飛

和衡陽殿下高樓看妓

江惲

綺樓侵碧漢初日照紅粧絃心艷卓女曲調動周郎並歌  
時轉黛息舞蹙分香挂纓銀燭下莫笑王釵長

夜聞隣妓

盧思道

倡樓對三道吹臺臨九重笙隨山上鶴笛奏水中龍怨歌  
聲不斷妙舞態難逢

初學記 作雙

誰能暫留客解佩一相從

衡陽王齋閣奏妓

虞茂

金溝低御道玉管正吟風拾翠天津上迴鸞鳥道中鏡前  
看月近歌處覺塵空今宵織女見言是望仙宮

和許給事善心戲場轉韻

薛道衡

京洛重新年復屬月輪圓雲間壁獨轉空裏鏡孤懸萬方  
皆集會百戲盡來前臨衢車不絕夾道閣相連驚鴻出洛

水翔鶴下伊川艷質回風雪笙歌韻管絃佳麗儼成行相  
携入戲場衣類何平叔人同張子房高高城裏髻峩峩樓

上粧羅裙飛孔雀綺帶垂鴛鴦月映班姬扇風飄韓壽香  
竟夕漁父

初學記 作魚負

燈徹夜龍銜燭歡

初學記 作戲

笑無窮已歌

吹還相續羌笛隴頭吟胡舞鼉茲曲假面飾金銀盛服搖  
珠玉宵深戲未闌競爲人所謹卧馳飛王勒立騎前銀鞍



縱橫既躍劍揮霍復跳丸柳揚百獸舞盤跚五禽戲後猓  
弄班足巨象垂長鼻青羊跪復跳白馬回旋駛忽見羅浮  
起俄看爵島至峯嶺既崔嵬林叢亦青翠麇麋下騰倚猴  
猿或蹲跂金徒列舊刻玉律動新灰甲英垂陌柳殘花散  
苑梅繁星漸寥落斜月尚徘徊王孫猶勞戲公子未歸來  
共酌瓊蘇酒同傾鸚鵡杯普天逢盛日兆庶喜康哉

詠妓

陳子良

金谷多歡宴佳麗正

一作盡

芳菲流霞席上滿迴雪掌中飛

明月臨歌扇行雲接舞衣何必桃將李別有待春暉

和平涼公觀趙郡王妓

弘執恭

小堂羅薦陳妙妓命燕秦娥

初學記作翠

眉疑假黛紅臉自含

春合舞俱迴雪分歌共落塵齊竿不可厠空願上龍津

詠妓

王勣

妖姬飾淨粧窈窕出蘭房日照當軒影風吹蒲路香  
早時歌扇薄今日舞衫長不應令曲誤持此試周郎

益州城西張超亭觀妓

前人

落日明歌席行雲逐舞人江前飛暮雨梁上下輕塵冷服  
看疑畫粧臺望似春高車勿遽返長袖欲相親

辛司法宅觀妓

前人

南國佳人至北堂羅薦開長裾隨鳳管促柱送鸞杯雲光  
身後落雪態掌中回到愁金谷晚不恠玉山頽

天津橋上美人

駱賓王



美女出東鄰容豫上集作天津整動衣香蒲路移步襪

生塵水下看粧影眉頭畫月新寄言曹子建箇是洛川神

戲贈趙使君美人杜審言

紅粉青娥映楚雲桃花馬上石榴裙羅敷獨向東方去謾

學他家作使君

觀妓詠和舞張諤一作鷄

半額畫雙娥盈盈燭下歌玉杯寒意少金屋冶情多香艷

王分帖裙嬌勅賜羅平陽莫相妬喚出不如他

五日觀妓春沙萬楚疑作

西施謾道浣春沙碧玉今時出麗華眉黛奪將萱草色紅

裙妬殺石榴花新歌一曲令艷醉舞雙眸歛鬢斜誰道

五絲能續命却知今日死君家

在水軍宴常司馬樓船觀妓李白

搖曳帆在空清流順歸風詩因鼓吹發酒為歛歌雄對舞

青樓妓雙鬟白玉童行雲且莫去留醉楚王宮

邯鄲南亭觀妓前人

歌妓集作燕趙叟魏妹集作弄鳴絲粉艷燦月彩集

日彩舞衫拂花枝把酒顧美人請歌邯鄲詞集作清箏何

繚繞度曲綠雲垂平原君安在科斗生古池座客三千人

于今知有誰我輩不作樂但為後代悲

携妓登梁王栖霞山盖集作孟氏桃園中前人

碧草已蒲地柳與梅爭春謝公自有東山妓金屏笑座如



花人今日非昨日明日還復來白髮對綠酒強歌心自作  
已推君不見梁王池上月昔照梁王罇酒中梁王已去明  
月在黃鸝愁醉啼春風分明感激眼前事莫惜醉卧桃園  
東

出妓金陵子呈盧六

前人

安石東山三十春傲然携妓出風塵樓中見我金陵子何  
似陽臺雲雨人

同前

前人

南園新豐酒東山小妓歌對君君不樂花月奈愁何

詠歌容娘

常非月

舉手整花鈿翻身舞錦筵馬圍行處匝人簇看場圓歌索

齊聲和情教細語傳不知心大小容得許多憐

王家小婦

崔顥

十五嫁王昌盈盈入畫堂自矜年最小復倚嬌為郎舞愛  
前溪綠歌憐子夜長閑來閉百草度日不成粧

岐王席觀妓

前人

二月春來半王家日漸長柳垂金屋暖花發玉樓香拂匣  
先臨鏡調笙更炙黃長將欲舞態只擬奉君王

陪辛大夫西亭宴觀妓

劉長卿

歌舞憐集作連遲日旌麾集作旗映早春鶯窺隴西將花對洛  
陽人醉罷知何事恩深忘此身任他行雨去歸路裊輕塵

揚州雨中張十七宅觀妓

張謂



夜色帶春煙燈花拂更然殘粧添石黛絕一色舞落金鈿  
掩笑頻歌扇迎歌乍動絃不知巫峽兩何事海西邊

開府席上賦得詠美人名解愁 盧綸

不敢苦相留明知不自由頻眉乍欲語歛笑又低頭舞態  
薰豷醉歌聲似帶羞今朝惣見他只守解人愁

楊卯白總日有各無詩

于鵠前同

王建前同

白居易前同

和王秀才傷歌妓見詩三五卷

周員外出雙舞姝技妓

温庭筠

張祐

畫鼓拖環錦臂攘小娥雙換舞衣裳金絲蹙霧紅衫薄銀

蔓垂花紫帶長鸞影乍迴頭並集作對舉鳳聲初歇翅齊張

一時折腕招殘拍斜歛輕身拜玉郎 沈光前同



文苑英華卷第二百十三

文苑英華卷第二百十四

詩六十四

人事一

宴集六十七首

同集晉安兒宅

劉孝綽

夫君追宴喜十日邇來過築室華池上開軒臨菱荷方塘

交密篠對雷接繁柯景移林改色風度類聚作去水餘波洛城

雖半集作未掩愛客待驪歌

後園宴樂

魏收

東馬輕燕外獵雉陋秦中朝車轉夜轂仁旗指旦風式宴

臨平圃展衛寫屠穹積崖疑造化導水逼神功樹靜歸烟

合簾踈返照通一逢堯舜日未假北山叢



月下秋宴

前人

此夕甘言宴月照露方塗使星疑向蜀劍氣不關吳良交  
契金水上客慰管蘇何必應劉輩還來遊鄴都

齊肅道遜晚春宴

邢子才

日斜賓館晚風輕麥候初簷喧巢幕鷺池躍戲蓮魚石聲  
隨流響桐影傍巖踈誰能千里外獨倚八行書

羣公高宴

楊訓

中郎敷奏罷司隸坐朝歸開筵引貴客饌玉對春暉塵起  
金吾騎香逐令君衣綠酒犀爲梳鳴琴寶作徽寸陰良可  
惜千金本易暉

後園宴

盧思道

嘗聞崑閬有神仙雲冠羽佩得長年秋夕風動三珠樹  
朝露濕九芝田不如鄴城佳麗所玉樓銀閣與天連太液  
回波千丈映上林花樹百枝燃流風續洛渚行雲在南楚  
可憐白水神可念青樓女便妍不羞澁遙艷工言語池苑  
正芳菲得戲不知歸媚眼臨歌扇嬌香出舞衣纖腰如欲  
斷側髻似能飛南樓日已暮長簷鳥應度竹殿遙聞鳳管  
聲虹橋別有羊車路携手傍花叢徐步入房櫳欲眠衣先  
解半醉臉逾紅日日相看轉難厭千嬌萬態不知窮欲知  
妾心無劇已明月流光滿帳中

後渚置酒

陳叔達

大渚初驚夜中流沸鼓鞞寒沙滿曲浦夕霧上耶溪岸廣



鳧飛急雲深鴈度低嚴關猶未遂一作遠此夕待晨鷄

夏晚尋于政世置酒賦韻 陳子良

聊從嘉遁所酌醴共抽簪以茲山水地留連風月心長榆  
落照盡高柳暮蟬吟一及桃源路別後難追尋

冬日宴于庶子宅各賦一字得趣 令狐德彝

高門聊命掌群英於此遇放曠山水情留連文酒趣夕煙  
起林蘭霜枝殞庭樹落景雖已傾歸軒幸能駐

賦得盃 于志寧

陋巷朱軒擁衡門緹騎來俱裁七步詠同傾二雅盃色動  
吟春柳花發犯寒梅賓筵半未醉驪歌不用催

賦得鮮 劉孝孫

解襟遊勝地披雲促宴筵清文振筆妙高論寫言泉凍柳  
含風落寒梅照日鮮驪歌雖欲奏歸駕且留連

賦得婦 許敬宗

倦遊嗟落拓集作短翮暮追飛周醪忽同醉牙絃乃共揮  
油雲澹寒色落景靄霜霏累日方投分茲夕諒無歸

賦得平 岑文本

金蘭篤惠好罇酒暢生平既欣投轄賞暫緩望鄉情愛景  
含霜晦落照帶風輕於茲歡宴洽寵辱詎相驚

賦得節 杜正倫

李門余妄進徐榻君恒設清論暢玄言雅琴飛白雪寒雲  
暖落景朔風凄暮節方欣投轄情且駐當歸別



賦得色

封行高

夫君敬愛重歡言情不極雅引發清音巽藻窮調飾水結  
曲池水日暖平亭色引滿既盃傾終之以弁側

上巳浮江宴韻得遙

王勃

披觀玉京路駐賞金臺陟逸興懷九仙良辰傾四美松吟

白雲際柱馥清谿裏別有江海心日暮情何已

此篇題得遙字而詩

押美字按歲時雜詠及本集自有遙字韻詩今錄于後

上巳年光促中川興緒遙綠齊山葉滿紅洩片花銷泉聲  
喧後澗虹影照前橋遞悲春望遠江路積波潮

聖泉宴韻得泉

前人

披襟乘石磴列席俯春永蘭氣蒸黑山酌松聲韻野絃影飄

聖葉外香度落花前興洽林塘晚重岩起夕煙

春日宴樂遊園賦韻得接

前人

帝里寒光盡神臯春望淡梅郊落晚英柳甸驚初葉流水  
抽竒弄崩雲灑方牒清罇湛不空暫喜平生接

三月曲水宴得舒

疑詩中却押園字

盧照隣

風煙彭澤里山水仲春園由來弃銅墨本自重琴樽高情  
邈不嗣雅道今復存有美光時彥養得坐山樊門開芳杜  
徑室拒桃花源公子黃金勒仙人紫氣軒長懷去城市高  
詠狎蘭蓀連沙飛白鷺孤嶼嘯玄猿日影巖前落雲花江  
上翻興闌車馬散林塘夕鳥喧

和前得煙

王勃



彭澤官初去河陽賦始傳田園歸舊國詩酒間長筵列室  
窺丹洞分樓瞰紫煙縈回亘津渡出沒控郊郵鳳琴調上  
客龍轡儼群仙松石偏宜古藤羅不記年重簷交密樹復  
磴擁危泉抗石晞南嶺乘沙渺北川傳巖來築處礚礚入  
釣前日斜真興遠幽楚思涼蟬

宴梓州南亭得池

盧照隣

貳條開勝迹大隱叶冲規齋閣分危岫樓臺繞曲池長薄  
秋煙起飛梁古蔓垂水鳥翻荷葉山蟲交桂枝遊人惜將  
晚公子愛忘疲願得回三舍琴樽長若斯

初秋登王司馬樓宴賦得同

駱賓王

展驥端歸暇登龍喜集作嘉宴四締賞二清滿承恩六義通

野晦寒雲

集作陰

積潭虛秋

集作夕

照光顧慙非夢鳥濫此厠

雕蟲

春夜常明府宅宴得春

前人

酌桂陶芳夜披薛笑幽人雅琴馴野

集作魯

雉清歌落梁

集作

范塵宿雲低迴盖殘月下

集作上

虛輪幸此蒙

集作承

恩洽聊

當故鄉春

冬日宴

前人

二三物外友一百杖頭錢賞洽袁公地情披樂令天促席  
鸞觴蒲當爐獸炭燃何須攀桂樹逢此自留連

初秋宴得風

一作于寶六宅宴

前人

千里風雲契一朝心賞同意盡通家合

集作深交洽

神靈俗累



空草砌一作帶銷寒翠花缸集作技發夜紅唯將淡若水

長揖古人風

夜飲東亭

宋之問

春水集作泉鳴大壑皓月吐層岑岑壑景色佳慰我遠遊心

聞芳足幽氣驚棲集作嘶多衆音高興南山吟長謠橫素琴

春日宴宇主簿山亭得寒字

前人

公子正邀歡林亭春漸闌攀巖踐苔易迷路出花難窓覆

垂陽暖階侵瀑水寒帝城歸路直流輿接鴛鴦

春日鄭協律山亭陪宴餞鄭卿同用樓字

前人

潘園枕郊郭愛客過相求罇酒東城外駢驂南陌願池平

分洛水林缺見高丘暗竹侵山逕垂楊拂妓樓彩雲歌處

斷連日舞前留此地何年別蘭芳空自幽

同劉給事城南宴集

前人一作張說

水竹幽閑地簪纓近侍臣雍容乘暇日蕭洒出囂塵樹長

栖集作足思朋鳥池深入養鱗管絃高逐吹歌舞妙含春老子

叨專席勸遊隔縉紳此中情不淺遙寄賞人心

岳州宴別潭州王熊

前人

縉雲連省閣溝水遽西東然諾心猶在容華歲不同孤城

臨楚塞遠樹入秦宮誰念三千里江潭一老翁

幽州夜飲

前人

涼風吹夜雨蕭瑟動寒林正有高堂宴能忘遲暮心軍中

多集作宜劔舞塞上重笳音不作邊城將誰知恩遇深



鳳閣尋勝地

前人

西掖持醇酒東山就白雲開軒綠池映命席紫蘭芬舞度  
花為伴鶯來管作群太平多樂事春物共氛氲

定崑池奉和蕭令潭字韻

前人

暮春三月日重三春水桃花蒲楔潭廣樂逶迤天上下仙  
舟遙衍鏡中酣

藥園宴武輅沙將軍得洛字

前人

東地垂餘興南園宴清洛文學引王枚歌鍾陳衛霍風高  
大夫樹露下將軍藥待開出塞還丹青上麟閣

奉蕭中令酒并詩

前人

樂奏天恩蒲盃來秋興高更甚豕蕭相國對席飲醇醪

廣州蕭都督入朝過岳州宴餞得冬字 前人

孤城抱大江節使往朝宗果是臺中舊依然水上逢京華  
遙比目疲老颯如冬竊羨能言鳥銜恩向九重

夕宴房主簿舍

前人

歲晏關雍空風急河渭冰薄遊羈物役微向怯集作慙遠憑

旅館月宿永閑荷雲思興伊人羨思集作脩夜朋酒惠來稱

交談既清雅琴吟亦婁凝不逢君騫涸集作憂思長鬱蒸

岳州宴姚紹之

前人

杞梓滯江濱光華白日新難兄金作友媚子玉為人山水

含秋興池亭借善隣簷簷松風送靜院竹鳥來馴翠竿催集作

吹黃菊凋盤繪紫鱗緩歌將醉舞宜集作拂繡衣塵



脩書學士奉勅宴梁王宅得樹字 前人

虎殿成鴻業猿巖題鳳賦既荷大君恩還蒙小山遇秋吹  
凝絃管涼雲生竹樹共惜朱邱歡無辭落城暮

秋杜日崇讓園宴得新字 蘇頲見雜

鳴爵三農稔勾龍百代神運昌叨輔弼時報喜黎人樹缺  
池光近雲開口影新生全應有地長願樂交親

寒食宴于中舍別駕兄弟宅 前人

子推山上歌龍罷定國門前納駟來始覩元鷗鏘玉至旋  
聞季子佩可回晴花處處因風起御柳條條向日開自有  
長筵歡不極還將一作彩服詠南陔

天津橋東旬宴得歌字 張九齡

清洛象天河東流形勢多朝來逢宴喜春盡却妍和泉鮪

歡時躍林鶯醉後歌賜恩頻若此為樂今奈集作奈何

雲陽驛陪崔使君劄道士夜宴 張子容

一尉東南遠誰知此夜歡諸侯傾皂盃仙客整黃冠染翰  
燈花滿飛觴雲氣寒欣承國士遇更借美人看

濟州過趙叟家宴 王維

雖與人境接閉門成隱居道言莊叟事儒行魯人餘深巷  
斜暉靜閉門高柳疎荷鋤脩藥圃散帙曝農書上客搗芳  
翰中厨饋野蔬夫君第高飲景宴出林閭

與盧象集朱家 前人

主人能愛客終日有逢迎貫得新豐酒復聞秦女箏柳條



疎客舍槐葉下秋城語笑且為樂吾將達此生

宴越府陳法曹西亭

孫逖見集本

公府西巖下紅亭間白雲雪梅初度臘煙竹稍迎曛水木  
涵澄影簾籠引霽氛江南歸思逼春鴈不堪聞

和常和尚兄春日南亭宴兄弟京在前人

臺閣升高位園林隔舊鄉忽聞歌棣萼還比報瓊芳門向  
宜春近郊連御宿長德星常有會相望在文昌

洛陽客舍逢祖詠留宴 蔡希寂

綿綿鍾漏洛陽城客舍貧居絕送迎逢君貰酒因成醉醉  
後焉知世上情

與王昌齡宴王十一 孟浩然

歸來卧青山嘗覓在一作嘗 夢遊清都漆園有傲吏惠縣一作好

在招呼書愧神仙錄畫屏山海圖酌霞復對此宛似入蓬

壺

奉先張明府休沐還鄉海亭宴集探得堦字

自君理畿甸余亦經江淮萬里音書斷數年雲雨乖歸來

休澣日始得賞心諧朱綬集作 爰恩雖重滄州趣每懷樹低

新舞閣山對舊書齋何以發秋興陰蠱鳴夜堦

夏日與崔二十一同集衛明府席一作夏日宴衛明府宅遇北使

前人

言避一時暑池亭五月開喜逢金馬客同飲玉人盃舞鶴

乘軒至遊魚擁劍來坐中殊未起簫管莫相催



盧明府早秋宴張郎中海園即事得秋字 前人

邑有絃歌宰翔鸞已狎一作野狎鷗眷言華省舊暫拂海

池遊鬱島藏深竹前溪對舞樓更聞書即事雲物是清集作

新又秋作高秋

宴包二融宅

前人

閑居枕清洛左右接人野門庭無雜賓車轍多長者是時

方盛夏風物自瀟洒五月休沐歸相携竹林下開襟成歡

趣對酌一作酒不能罷煙暝棲鳥迷余將歸白社

宴張記室宅

前人

甲第金張館門庭軒一作車騎過家封漢陽郡文會楚材多

曲島浮觴酌前山入詠歌妓堂花映發書閣一作閣柳逶迤

王指調筆柱金泥飾舞羅寧知書劍者歲月獨蹉跎

清明日宴梅道士房

此詩見二百二十六卷

前人

寒夜張明府宅宴

前人

瑞雪初盈尺閑宵始半更列筵邀酒伴刻燭限詩成香炭

金爐煖嬌絃玉指清醉來方欲卧不覺曉鷄鳴

襄陽公宅飲

前人

窈窕夕陽佳丰茸春色好欲覓淹留處無過狹斜道綺席

卷龍鬚香床集作杯浮瑪瑙北林積脩樹南池生別島手撥

金翠花心迷玉紅草談笑集作天光六義發論明三倒座非

陳子驚門還魏公掃榮辱集作革應無問歡娛當共保

臨渙裴贊集作明府

席遇張十六

集作房六

前人



河縣柳林邊河橋晚泊舡文叨才子會官喜故人連笑語  
同今夕輕肥異往年晨風理征棹吳楚各悠然集作理歸棹

夜宴左氏莊

杜甫

風林纖月落衣露靜琴張暗水流花逕春星帶草堂檢書  
燒燭短看劔引盃長詩罷聞吳詠扁舟意不忘

上巳日徐司錄林園宴集

前人

鬢毛垂領白花藥亞枝紅歌倒衰年廢招尋令節同薄衣  
臨積水吹面受和風有喜留攀桂無勞問轉蓬

崔駙馬山亭醺集

前人

蕭史幽棲地林間蹋鳳毛湫流何處入亂石閉門高客醉  
揮金椀詩成得綉袍清秋多醺會終日困香醪

陪李北海宴歷下亭

前人

東藩駐皂蓋北渚凌清河海右此亭古濟南名士多雲山  
已發興玉佩仍當歌脩竹不受暑交流空湧波蘊真愜所  
遇落日將如何貴賤俱物役從公難重過海右川本作海內

相江宴餞裴二端公赴道州

前人

白日照丹旆朱旗散廣川羣公餞南北肅肅秩初筵鄙人  
奉末眷佩服自早年義均骨肉地懷抱罄所宣盛名富事  
業無取媿高賢不以喪亂嬰保愛金石堅計拙百僚下氣  
蘇君子前會合苦不久哀樂本相纏交遊颯向盡宿昔浩  
茫然促觴激萬慮掩抑淚潺湲熱雲初集黑缺月未上天  
白團爲我破華燭璫長煙鴟鴞催明星解袂從此旋上請



滅兵甲下請安井田未念病渴老附書遠山巔初集黑川本作初集

宴王使君宅題二首 前人

漢主追韓信蒼生起謝安吾徒自飄泊世事各艱難逆旅招要近他鄉思緒寬不才其朽質高卧豈泥蟠

思緒集作意緒 二

汎愛容霜鬢一作髮 晉歡上夜關世傳杜子美不避家

汝傳孫觀杜詩押韻作卜夜開北斗問今英華元本亦作卜夜問其實皆非也或改作夜闌又不在韻按下園集杜詩及別本自是晉權上夜開蓋有投轄之意上字訛為卜問字訛為開耳北斗問者漢書有朱旗降天今子美諸將七言詩既云角閃朱旗北斗問則是因朱旗絳天閃見斗亦赤本是殷字於頰切紅色也後本殷周之殷於今切盛貌脩書時宣宗諱然正紫音雖不同字則一體或改作開今既挑不諱則是殷字又何疑焉

龜不載北斗殷之詩偶論疑兩開字故併及之 自吟詩送老相勸酒開顏戎馬

今何地鄉園獨舊集作在 山江湖墜清月酪酊任扶還

陪章侍御宴南樓得風字 前人

絕域長夏晚茲樓清宴同朝廷燒棧北鼓角漏天東屢食將軍地仍騎御史驄本無丹竈術那免白頭翁寇盜狂歌

外形骸痛飲中野雲低度水簷雨細隨風出號軍集作江城

黑題詩蠟燭集作炬 紅此身醒復醉不擬哭途窮

曲江陪鄭八丈南史飲 前人

雀啄江頭楊柳花鷓鴣鷓滿晴沙自知白髮非春事且盡芳樽戀物華近侍即今難浪跡此身那得更無家丈人才力猶強健豈傍青門學種瓜



文苑英華卷第二百十四

文苑英華卷第二百十五

詩六十五

人事二

宴集六十八首

陪宋中丞武昌夜飲懷古

李白

清景南樓夜風流在武昌庾公愛秋月乘興坐胡床龍笛吹寒水天河落曉霜我心還不淺懷古醉餘觴

流夜卽至江夏陪長史叔及薛明府宴興德寺

南閣

前人

紆殿橫江上青山落鏡中岸回沙不盡日映水成空天樂流香閣蓮舟颺晚風恭陪竹林宴留醉與陶公

春日陪楊江寧及諸官宴北湖感古 前人



昔聞顏光祿攀龍宴明京集作湖樓舡入天鏡帳殿開雲鬢

君王歌大風如樂豐沛都延年獻佳作邈與詩人俱我來

不及此獨立鍾山孤揚宰穆清風芳聲騰海隅英寮光簪

組集作滿粲然集作瓊林敷鵠首弄倒景蛾眉掇明珠新

絃綵一作採黎園古舞嬌吳歛曲度繞雲漢四座集作皆

歡娛雞棲何嘈嘈松月拂集作沿月笙竽古之帝宮苑今乃人

樵蘇感此勸一觴願君覆瓢壺盛時當作樂無令後賢吁

趙都護宅宴別

盧象見集

結客候旌麾元戎復在斯文開都護府兵動羽林兒黠虜

多翻覆謀臣有別離智同天所授恩共日相隨漢使開賓

幕胡笳送酒卮風霜迎馬首雨雪事魚麗在策應無戰深

情屬載馳不應行萬里明主寄安危

宴吳王宅

祖詠見集

吳王承國寵列第禁城東連夜徵辭客當春試舞童砌分

池水岸窓度竹林風更待西園月金罇樂未終

清川口宴張郎中別業

前人

田家復近臣別業不遺親齊日園林好清明煙火新以文

常會友唯德自成隣池沼窓陰晚杯觴藥味春簷前花覆

地竹外鳥窺人何必桃源裏深居作隱淪

何九於客舍集

王昌齡

客有住桂陽亦如巢林鳥壘觴且終宴功業曾未了山月

空齋時江月高樓曉門前泊舟楫行次入松篠此意投贈



君滄波風孌孌

晦日陪辛大夫宴南亭

劉長卿

月晦逢休澣年光逐宴移早鶯留客醉春日為人遲  
莫草全無葉梅花遍壓枝政閑風景好莫比峴山時

以下五篇並見集本

同諸公袁郎中宴筵喜加章服 前人

手詔來筵上腰金向粉闈勲名傳舊閣蹈舞着新衣  
白社同遊在滄洲此會稀寒笳發後殿秋草送西歸  
世難常摧敵時閑已息機魯連功可讓千載一相輝

西庭夜宴喜評事兄拜命 前人

猶是南州吏江城又一春隔簾湖上月對酒眼中人  
棘寺

物啣命梅仙已誤身無心羨榮祿唯待却垂綸

惠福寺與陳劉諸官茶會得西字 前人

到此機事遣自嫌塵罔迷因知萬法幻盡與浮雲齊  
疎竹映高枕空花隨杖藜香飄諾天外日隱雙林西  
傲集作吏微

方見狎真僧幸相携能令歸客意不復還東溪

夏日宴魏萬成湘水亭 前人

何年家在此江濱一作幾度門前北渚春  
白髮亂生相顧

老黃鶯自語豈知人

梁州陪趙行軍龍崗寺北庭泛舟宴王侍御得長

字 岑參

誰宴霜臺使行軍粉署即唱歌江鳥沒吹笛岸花香酒影



文苑英華 卷一百一十五  
三  
搵新月灘聲聒夕陽江鍾聞已暮歸棹綠川長

早春陪崔中丞浣花溪宴得暄字 張謂

旌節臨溪口寒郊斗覺暄紅亭移酒席盡鷓返江村雲帶  
歌聲颺風飄舞袖翻花開催秉燭川上欲黃昏

讌鄭伯璵宅

前人

正月風光好逢君上客稀曉風吹鳥嘯春雪帶花飛堂上  
吹金管庭前試舞衣俸錢供酒價行子未須歸

郡南亭子宴

集作春宴

前人

亭子春城外朱門向綠林柳枝經雨重松色帶烟深漉酒  
迎仙客穿池集水禽白雲常在眼聊足慰人心

夜同宴用人字

前人

北斗回新歲東園值早春竹風能醒酒花月解留人邑宰  
陶元亮山家鄭子真平生頗同道相見日相親

春園家宴

前人

南園春色正相宜老婦同行少婦隨竹裏登臺人不見花  
間覓路鳥先知櫻桃解結垂簷子楊柳能低入戶枝山簡  
醉來歌一曲參差笑殺郢中兒

與從弟正字從兄兵曹宴集林園 李嘉祐

竹牕松戶有佳期美酒香茶慰所思輔嗣外生還解易惠  
連羣從惣能詩簷前花落春深後谷裏鶯啼日暮時云路  
歸程仍待月垂韁不控馬行遲

晚春宴無錫蔡長官

集作西亭

前人



茅簷閑寂寂無事覺人和井近時澆圃城低下見河與綠  
芳草積情向遠峯多別日歸吳地停橈更一過

秋晚招隱寺東峯茶宴

送內弟闍伯均歸江州

前人

萬畦新稻傍山村數里深松到寺門幸有香茶留釋子不  
堪秋草送王孫烟塵怨別唯愁隔井邑蕭條誰忍論莫惟  
臨岐獨垂淚魏舒偏念外家恩

此詩二百三十六卷重出今已削去

夜宴南陵留別

前人

雪滿前庭月色閑主人留客未能還預愁明日相離處匹  
馬千山與萬山

秋夜與梁鎰宴

錢起

客到衡門

集作開林

下林香芳蕙時

集作林香蕙草時

好風時

集作能

自

至明月不須期秋水翻荷影晴霜脆柳枝

集作絲

微官是底

物許日廢言詩

陪考功王

集作韋

員外城東池亭宴

前人

無雙錦帳即絕景有池塘

集作絕境有林塘

鶴靜踈羣羽蓮開失

衆芳青

集作晴

山看不厭流水趣何長日晚催歸騎鍾聲促

集作下德陽

太子李舍人城東別業與二三文友逃暑 前人

下馬失炎暑重門深綠篁宮臣禮嘉客林表開蘭堂茲日

一作夕興難盡澄壘照墨場東林晚來好極目趣何長鳥道

掛踈雨人家殘夕陽城隅擁歸騎留酌

集作醉

戀瓊芳



奉陪郭常侍宴滌水山池 前人

掖垣携愛客勝地當年光向竹過賓館尋山到妓堂歌聲  
掩金谷舞態出平陽池滿簪裙影花添蘭麝香鶯啼春未  
老酒冷日猶長安石風流事須歸騎省郎

陪郭常侍令公東亭宴集 前人

盛業山河列重名劍履榮珥貂為相子開閣引特英美景  
池臺色佳期宴賞情詞人載筆至仙妓出花迎暗竹朱輪  
轉回塘玉珮鳴舞衫招戲蝶歌扇隔啼鶯飲德心皆醉披  
雲興轉清不愁歡樂盡積慶在和羹

春夜皇甫冉宅歡疑酒 張繼

流落時相見悲歡共此情興因罇酒洽愁為故人輕暗滴

花垂露斜暉月過城那知橫吹曲江外作邊聲

楮主簿宅會畢庶子錢員外即使君韓翊

開甕臘酒熟主人賞同暮天疎竹上殘雪亂山中更喜  
宣城印朝廷與謝公

華州夜宴庾侍御宅 前人

世故他年別心期此夜同千峯孤燭外片雨一更中酒客  
逢山簡詩人得謝公自憐驅匹馬拂曙向關東

春日陪兩省諸公宴張舍人宅 即士元

懶尋芳草徑來接待臣筵山色知殘雨墻陰覺暮天鶯歸  
漢宮柳花隔杜陵烟地與東城接春光醉目前

春宴王起城東別業 前人



柳陌乍隨洲勢轉  
花源忽傍竹陰開  
能冷瀑水清人境直  
取流鶯送酒杯  
山下古松當綺席  
簷前片雨滴春苔  
地主同聲復同舍  
晉連不畏夕陽催

宴趙氏昆季書院

盧綸

詩禮挹餘波  
相歡在琢磨  
琴樽方會集  
珠玉忽駢羅  
謝族風流盛  
干門福慶多  
花攢騏驎檻  
錦絢鳳凰窠  
詠雪因饒妹  
書經欲換鵝  
仍聞廣練被  
更有遠儒過

春日喜雨逢陪侍中宴白鶴樓 前人

鸚鵡相呼綠野寬  
鼎臣閑倚玉欄干  
黃河擁末流  
仍急蒼嶺和雲色  
更寒艷艷風光呈  
瑞歲冷冷歌頌振  
瑤盤今朝醉舞同  
鄉老不覺頻傾集作鮮豸冠歌

九日奉陪渾侍中宴白鶴樓 前人

露白菊氛氳  
西樓盛襲文  
玉筵秋令節  
金鉞漢元勳  
說劍風生座  
抽琴鶴遶雲  
謏儒無以谷  
願得備前軍

此詩三百十二卷重出今已削去

和李太守早秋城北亭宴司士因寄關中兄弟見三

百十六卷

丁評事宅秋夜宴集

柳中庸

翠幕卷回廊  
銀燈開後堂  
風驚擁砌葉  
月冷滿庭霜  
綺席人將醉  
繁絃夜未央  
共憐今促席  
誰道客愁長

郡齋雨中與諸文士燕集

韋應物

兵衛森畫戟  
宴寢凝清香  
海上風雨至  
逍遙池閣涼  
煩痾



近集作消散嘉賓復滿堂自慙居處崇未覩斯民康理會

是非遣性達形跡忘鮮肥屬時禁蔬菓幸見嘗俯飲一杯

酒仰聆金玉章神歡體自輕意欲集作凌風翔吳中盛文

史羣彥今汪洋方知大藩地豈曰財賦強

宴李錄事

前人

與君十五侍皇闈曉拂爐烟上玉墀花開漢苑經過處雪

下驪山沐浴時近臣零落今誰在仙駕飄颻不可思此日

相逢思曩集作日一杯成喜亦成愁

軍中冬宴

前人

滄海已云晏皇恩猶念勤宴論集作徧怕秩柔遠迨集作

斯人茲邦實大藩代鼓軍樂陳是時冬服成戎士氣益振

虎竹謬朝寄英賢降上賓徒罄周旋禮愧無海陸珍庭中

九劍爛堂上歌吹新光景不知晚觥杓集作豈能一作頻

簞集作醪昔所感大醪况同忻顧謂軍中士仰答何由申

翫花與衛長林二字集同醉 司空曙

衰鬢千莖雪集作他鄉一樹花今朝與君醉忘却在長沙

早春夜集耿拾遺宅 李端

如何逋客會忽在侍臣家新草猶停雪寒梅未稱花銜杯

雞欲唱逗月鴈應斜年齒俱憔悴誰堪故國賒

軍中醉飲寄沈八劉叟 楊當

酒渴愛江清餘酣漱晚汀軟莎欹坐穩冷石醉眠醒野膳

隨行帳華音發從伶數盃君不見都已遣沉冥



偶宴西蜀摩訶池

前人

珍木鬱波池風荷左右披淺觴寧及醉慢舸不知移蔭簟  
流光冷凝簪照影歌胡爲獨羈者雪涕向漣漪

殷卿宅夜宴

張南史

日暗城烏宿天寒捩馬嘶詞人留上客妓女出中閨積雪  
連燈照回廊映竹迷太常今夜宴誰不醉如泥

陸璞宅秋暮雨中探韻同作

已上一百五十三卷

前人

江鄉故人偶集客舍

戴叔倫

天秋月又滿城闕夜千重還作江南會翻疑夢裏逢風極  
鳴散集作驚暗鵲露草覆寒蛩羈旅長堪醉相留畏曉鍾

勸陸三

前人

寒鄰好天氣勸酒莫辭頻擾擾鍾陵市無窮不醉人

奉酌盧端公飲後贈諸公見示之作

前人

佐幕臨戎集作人旌旆開五營無事萬家閑風吹楊柳漸拂  
地日映樓臺欲下山綺席晝開留上客朱門半掩擬重關  
當時不敢辭先醉悟一作悞逐羣公倒載還

此詩二百四十四卷重出今已削去

奉陪李大夫九日龍沙宴會

得遲字

權德輿

龍沙重九會千騎駐旌旗水木秋光淨絲桐雅奏遲烟蕪  
歛暝色霜菊發寒姿今日從公醉全勝落帽時

韋賓客宅與朱博士宴集

前人

累抗乞身章湛恩比上庠賓筵徵稷嗣家法自扶陽簪組



歡言久琴壺雅興長陰嵐冒苔石輕籟韻風篁佩玉三朝  
貴揮金百慮忘因知臥商維豈勝白雲鄉

閨春宴花溪嚴侍御莊

戎昱

一團春翠色云是子陵家山帶新晴雨溪留閨月花瓶開  
巾漉酒地拆筍抽芽絲繹承顏服朝朝奏白華

冬夜宴梁十二廳

前人

故人能愛客秉燭會吳曹家為朋徒罄心緣翰墨勞夜寒  
銷臘酒霜冷重綈袍醉臥西窓下時聞鴈響高

宴城東莊

崔惠

一月生人笑幾回相逢相值且銜杯報看春色如流水今  
日殘花昨日開

同前

崔敏重

一年過又一年春百歲曾無百歲人能向花中幾回醉十  
千沽酒莫辭貧

五言奉和顏使君修韻海畢州中重宴

釋皎然

世學高南郡身封盛魯邦九流宗韻海七字挹文江借賞  
雲歸堞番歡月在窓不知名教樂千載與誰雙

五言冬至日陪裴端公使君清水堂宴集

前人

亞歲崇高宴雜咏作嘉華軒照綠波渚芳迎氣早山翠向晴多

推往知時訓書羣疑作辨政和從公惜日短番賞夜如何

五言梅日陪顏使君白蘋洲集得東字

前人

南朝分古郡山水似湘東堤月吳風在洲居雜咏作楚客



同桂寒初結作佩蘋小欲成叢時晦佳遊促高歌聽未終

五言陪盧判官水堂夜宴

前人

暑氣當宵盡徘徊坐月前靜依山堞近涼入水屏偏久是  
栖林客初逢佐幕賢愛君高野意烹茗酌淪漣

春夜與諸公同宴呈陸郎中

前人

南國宴佳賓交情老倍親月慙紅淚燭花笑白頭人寶瑟

絙一作恒餘怨瓊枝不讓春更聞歌子夜桃李艷粧新

春晚奉陪相公西亭宴集

武元衡

林一作花苑春向蘭高會重邀歡感物惜芳景放懷因絲翰

玉顏穠處並銀燭焰中看若折持相贈風光益別難

奉陪相公西亭夜宴陸郎中

崔備

簾閣玳筵開通宵遞玉杯塵隨歌扇起雪逐舞衣迴剪燭

清光發添香煖氣來令君敦宿好更為一徘徊

同前

玉良士

芳氣襲荷蘭青雲展舊歡仙來紅燭下花發綵毫端海岳

期芳遠松筠歲正寒仍聞言贈處一字重琅玕

同前

蕭祐

弘閣陳芳宴佳賓此會難交逢貴日重醉得少時歡欵黛

凝歌思求音足筆端一聞清佩動珠玉夜珊珊

同前

盧士政

華堂良宴開星使自天來舞轉朱絲一作絃逐歌餘素扇回



水光臨曲檻夜色鬪高臺不在賓階末何由接上台

同前

獨孤寔

仙郎膺上才夜宴接三台燭引銀河轉花連錦帳開靜看  
歌扇舉不覺舞腰回寥落東方曙無辭盡玉杯

和劉員外陪韓僕射野亭公宴 楊巨源

好客風流瑋瑋簪重簷高幕曉沉沉綺筵霜重旌旗滿玉  
帳天清絃管聲繁戲徒過魯儒目衆歡方集漢郎心寒如  
一曲嚴城暮雲騎連嘶香外林

邵州陪王郎中宴

前人

西塞無塵多玉筵貔貅鴛鴦儼相連紅茵照水開罇俎翠  
幕當雲發管絃歌態晚臨圍扇靜舞容春映薄衫妍魚鱗  
鱗使時有不似歡娛及少年











